

## **Art. 19**

### **Cumenti funzionat sa Giunta**

1. Sa Giunta est cunvocada de su Sìndigu chi est su presidenti suu e detzidit s'òrdini de is chistionis de sa dì segundu cussu chi ant nau is assessoris puru.
2. Sa Giunta etotu detzidit cumenti depit essi cunvocada e is funzionis cosa sua.

## **Art. 20**

### **Poderis de donniunu**

1. Sa Giunta comunali fait totu is àutus de aministratzioni e gestioni e totu is àutus chi depint essi fatus de unu òrganu collegiali e no funt de cumpetèntzia esclusiva de su Consillu.
2. Sa Giunta fait is funzionis suas cun deliberas generalis anca ddoi funt inditaus is obietivus e is maneras chi ant a depi sighiri is àterus ufitzius me in su traballu cosa insoru.
3. Sa Giunta:
  - a) Proponit is regolamentus a su Consillu;

- b) Aprovat progetus, programas esecutivus e provedimentus de spesa apitzus de su bilànciu, chi no siant gai de cumpetenzia de su Sìndigu o de su Segretàriu.
- c) Pentzat bideas o provedimentus chi ant a fai parti de is determinatzionis de su consillu;
- d) Pigat initziativas e acordus cun is òrganus de partetzipatzioni;
- e) Proponit a su Consillu is crietèrius de determinatzioni de is tarifas;
- f) Nòminat comissionis po is seletzionis pùblicas e riservadas;
- g) Pigat provedimentus de: assuntzioni, cessattzioni e, cun su pareri de sa comissioni, cussus disciplinaris e de suspensioni de is funtzionis de su personali comunali, chi no siat de cumpetenzia esclusiva de àterus òrganus;
- h) Proponit is critèrius po donai agiudus de dònna calidadi a entis o personis;
- i) Disponit de atzetai o no is donatzionis.
- j) Autorizat su Sìndigu a essi in giuditziu cumenti atori o cumbènniu e aproat transatzionis.
- k) Detxit sa dì de sa cunvocatzioni de is comitzius po is referendum consultivus e calli at a essi s'ufitziu comunali po is eletzionis chi at a controllai sa regolaridadi de su procedimentu.

- I) Tenit funtzionis chi ddi donat sa Provìntzia, sa Regioni e su Stadu chi sa Lei o su Statutu no apant donau a àterus òrganus.
- m) Aprovat is accordus de contratazzjoni decentrada, foras de sa cumpetenzia normativa de su consillu;
- n) Fait sciri dònnia annu a su Consillu calli est stètia s'atividadi sua.

### 3. In prus, sa Giunta:

- a) Detzidit apitzus de is certus de is òrganus de gestioni po is funtzionis cosa insoru.
- b) Misurat sa produtividadi de s'aparadu sighendi lineas sceradas de issa etotu apustis de ai intèndiu su segretàriu comunali.
- c) Apustis de ai intèndiu su revisori de su contu, detzidit cumenti depit essi fatu su controllu de gestioni deliberau de su consillu.